

## Skýrsla til sveitarsjórnar frá sveitarstjóra, skrifstofu og stofnunum sveitarfélagsins

Apríl 2016

Markmiðið með samantekt þessari er að efla upplýsingaflæði milli stofnana sveitarfélagsins, til sveitarstjórnar og til íbúa. Sveitarstjóri, forstöðumenn og starfsmenn skrifstofu taka saman helstu verkefni liðins mánaðar auk þess að gera grein fyrir áætluðum verkefnum komandi mánaðar. Það er von okkar að með þessu náist að varpa meira ljósi á það sem er í gangi í sveitarfélaginu á hverjum tíma og hvað er framundan. Hver og einn starfsmaður vinnur sinn part skýrslunnar og er engu breytt, því getur formið verið breytilegt.

### Frá sveitarstjóra – Andreu K. Jónsdóttur

Auk venjubundinna daglegra starfa voru verkefni sveitarstjóra helst þessi í apríl:

- Þann 4. apríl var annar fundur svæðisskipulagsnefndar um gerð svæðisskipulags Dalsabyggðar, Reykhólahrepps og Strandabyggðar var haldinn í Tjarnarlundi í Saurbæ. Á fundinum kaus nefndin sér formann úr röðum nefndarmanna og mun Ingibjörg Emilsdóttir fara með það hlutverk í nefndinni. [Sjá upplýsingavef um svæðisskipulag hér.](#) Fundargerðir nefndarinnar eru færðar inn á vefinn um leið og sveitarstjórnir hafa fjallað um þær.
- Þann 5. apríl var haldinn íbúafundur á Hólmavík þar sem Þorgeri Pálsson fór yfir helstu niðurstöður úr íbúakönnun sem framkvæmd var dagana 13. – 21. janúar sl. Á fundinum var farið í hygmyndavinnu og unnið að forgangsröðun verkefna með það að leiðarljósi að efla samfélagið og gera Strandabyggð að áhuga- og eftirsókarverðari að búa í. Fundurinn var vel sóttur og mund Þorgeir vinna með gögn og niðurstöður fundarins í lokaskýrslu sinni vegna stefnumótunarvinnu sinnar fyrir sveitarfélagið.
- Þann 8. apríl var haldið 30. Landsþing sambands sveitarfélaga í Reykjavík og fóru oddviti og sveitarstjóri á þingið sem var að vanda vel sótt. [Hér má sjá frekari upplýsingar af landsþinginu.](#)
- Þann 12. apríl var haldinn sveitarstjórnarfundur 1247 í Strandabyggð, [sjá fundargerð.](#)
- Þann 13. apríl kom lögreglan á Vestfjörðum í heimsókn og átti fund með sveitarstjóra og félagsmálastjóra. Fulltrúar frá lögreglunni voru Hannes Leifsson aðalvarðstjóri, Hlynur Snorrason yfirlögregluþjónn og Karl Ingi Vilbergsson lögreglustjóri á Vestfjörðum. Farið var yfir ýmis mál s.s. málefni almannavarnanefnda, samstarf vegna heimilisofbeldismála, tölfræði ýmisskonar auk upplýsingamála og fræðslu. Góð heimsókn og upplýsandi fyrir alla aðila og rætt um að efla tengsl.
- Þann 13. apríl sótti sveitarstjóri ásamt varaoddvita fund í Steinshúsi þar sem verkefnastjórn um 3. áfanga rammaáætlunar kynnti drög að tillögu verkefnastjórnar auk þess sem að kynningu lokinni var opnað fyrir fyrirsögnir og umræður. Góð og hnitmiðuð kynning.
- 19. apríl fundaði samráðsvettvangur sveitarfélaga á Vestfjörðum á Ísafirði, var þetta annar fundur af fjórum sem haldinn er á milli fjórðungsþinga.
- 20. apríl áttu sveitarstjóri og forstöðumaður áhaldahúss fund með Umhverfisstofnun ásamt forsvarsmönnum allra annarra hafa á Vestfjörðum. Fundurinn var á Ísafirði og fjallað var um mengunarvarnabúnað í höfnum.
- 20. apríl var haldinn vinnufundur sveitarstjórnar þar sem farið var yfir allar helstu framkvæmdir, hvernig þær stæðu og hvert framhaldið væri.

- 26. apríl var haldinn íbúafundur í Tjarnarlundi í Saurbæ fyrir íbúa Strandabyggðar, Reykhólahrepps og Dalabyggðar í tengslum við sameiginlegt svæðisskipulag. Fundurinn var opinn öllum en auk þess var leitað sérstaklega til fulltrúa ýmissra hópa til að fá fram sjónarmið sem flestra. [Sjá allar frekari upplýsingar um fundinn hér.](#)
- 29. apríl var stjórnarfundur hjá Atvinnuþróunarfélagi Vestfjarða en sveitarstjóri situr í stjórn Atvest.
- Starfsmannasamtöl hófust í apríl og lauk þremur samtölum þann mánuðinn en framhald verður í maí.

Helstu verkefni framundan í maí

- 3. maí – fyrsti formlegi forstöðumannafundurinn (sveitarstjóri, skrifstofa og forstöðumenn)
- 4. maí – Fjórðungsþing á Ísafirði
- 10. maí – Thorp, kynning fyrir skrifstofu og forstöðumönnum
- 11. maí – Starfsmannasamtal
- 11. maí – Umhverfisþing á Hólmavík
- 17. maí – sveitarstjórnarundur 1248 – Ársreikningur 2015, fyrri umræða
- 24. maí – vinnufundur sveitarstjórnar með Thorp
- 25. maí – starfsmannasamtal
- 26. maí – starfsmannasamtal x2
- 27. maí – starfsmannasamtal
- 30. maí – Aðalfundur Atvest

Sveitarstjóri verður í sumarfríi dagana 13. – 23. maí.

### Frá félagsmálastjóra – Maríu Játvarðardóttur

Skýrsla til sveitarstjórnar fyrir apríl 2016

- Helstu verkefni aprílmánaðar.
- 4. apríl Barnaverndarfundur á Hvammstanga.
- 6. apríl Skyndihjálparnámskeið fyrir starfsfólk FSR haldið í Miðtúni 15
- 8. apríl var haldinn starfsdagur í Barnavernd og mættu barnaverndarstarfsmenn víða að af landinu. Farið yfir lög og reglur og vinnulag. Kynnt starf Vistheimilaneftar og fulltrúa. Umgengismál og fósturmál.
- 11. og 12. Apríl voru lokadagar Ester námskeiðsins en það er nýtt áhættumatskerfi í Barnavernd. Áður hafa verið tvær vikur á þessu námskeiði sem kostð er af Evrópuráðinu.
- Skilaði skýrslu til BsVest og las yfir lokaútgáfuna af henni áður en hún var lögð fyrir stjórn BsVest.
- 26. Fundur í Áfallateymi Strandabyggðar og síðan hópfundur með þeim sem komu að banaslysi sem varð á sjó.
- Önnur vinna var í málefnum félagsþjónustunnar, barnavernd, málefni fatlaðra, málefni aldraðra.
- Starfsmannamál.

Helstu verkefni framundan í maí

- Í maí mun ég fara á fund hjá BsVest þann 9. , fara á Vorráðstefnu Greiningarstöðvar 12. og 13. maí og 19. og 20. maí er vorfundur Samtaka félagsmálastjóra sem haldinn er á Hvolsvelli.

### Frá forstöðumanni Íþróttamiðstöðvar – Hrafnhildur Skúladóttir

Verkefni í apríl og frá áramótum.

- Mikil komuaukning hefur verið í vetur í íþróttamiðstöð, opnunartími var aukin og innkoma fyrstu þrjá mánuði ársins var 63 % meiri en fyrstu þrjá mánuði í fyrra.
- Opið var um páskana, þá voru bæði borðtennis- og körfuboltamót. Mæltist páskaopnunin vel fyrir og var aðsókn mikil, tæplega 300 manns.
- Sjálfvirkir bakskolunarstútar voru keyptir og setti upp við hreinsisíur allra lauga. Laugarvatn er síðað í hringrásarkerfi. Reglulega þarf svo að hreinsa síurnar. Til þessa hefur það verið framkvæmt handvirkt í mörgum skrefum sem er hvítleitt því það þarf að gerast á kvöldin þegar búið er að loka og þrifa. Nú er hreinsiferlið einfaldlega stillt með klukku sem kveikir á sjálfvirku ferli á miðnætti þrjá daga í viku. Þetta er mikið vinnuhagræði og mun spara yfirvinnustundir til framtíðar.
- Bilanir hafa verið að hrjá okkur. Fyrst fóru lagnir að leka eftir uppsetningu bakskolunarbúnaðar, einfalt var að laga það með nýjum samsetningum lagna. Þegar búnaður er kominn á aldur er ekki óeðlilegt að eitthvað gefi sig þegar skrúfað er í sundur og hreyft er við. Klórmagn laugar raskaðist og fundu nemendur Grunnskólans fyrir því. Klórmagn var þó langt undir hættumörkum en olli samt ertingu og skildi eftir sig lykt sem er óvanalegt í þessari laug því klórjafnvægi hefur verið mjög gott.
- Í fyrravor var skipt um varmaskipti við laugina. Hann var farinn að leka og nýr settur við. Sá entist í mánuð og var annar fenginn semskonar og settur við. Sá entist í tæpt ár og gaf sig fyrir rúmri viku. Nýr varmaskiptir er í pöntun sem er dýrari og betri en þeir tveir sem keytir hafa verið sl ár. Vonum að hann dugi betur. Danfoss endurgreiddi síðasta varmaskipti sem keyptur var því ég var alls ekki ánægð með endinguna.
- Í mars tóku starfsmenn Íþróttamiðstöðvar sundpróf sem er þáttur í hæfniskröfum laugarvarðaréttinda. Laugarverðir þurfa að fara í gegnum skyndihjálparnámskeið, laugarbjörgunarnámskeið og sundpróf til að teljast hæfir laugarverðir. Ef þessum réttindum er ekki til að dreifa hefur Heilbrigðiseftirlitið leyfi til að loka sundstað og hefur það verið gert á öðrum stöðum. Nú síðast veit ég um að Lækningalind Bláa Lónsins var lokað í nokkra daga þar til starfsmenn höfðu öðlast full réttindi.
- Ég fékk upphringingu frá Heilbrigðiseftirliti Vestfjarða sem þakkaði mér áhuga á öryggismálum sundstaða, en ég hafði verið í sambandi við það sem og Umhverfisstofnun vegna réttinda sundlaugarvarða. Í kjölfarið á þessum áhuga mínum ákváðu starfsmenn Heilbrigðiseftirlitsins að fara í herferð í sumar þar sem tekið verður á réttindarmálum laugarvarða á svæðinu. Skráning gerð skýrari með myndum af prófskírteinum sem senda þarf til þeirra og gengið harðar eftir því að þessi mál séu í lagi. Einnig hrósaði starfsmaður auglýsingu Strandabyggðar eftir sumarstarfsfólki í Sundlauginni, þar sem hæfniskröfur voru tilgreindar en ekki vísað í reglugerð. Ánægja heilbrigðiseftirlitsins og hrós komu mér skemmtilega á óvart.

- Viðgerð barnalaugar var framkvæmd helgina 8-9 maí, þar sem gúmmíkurl á hliðar var lagað en ófullkomin viðgerð síðan í fyrra olli því að kurlið datt fljótlega af og voru skemmdir orðnar verulegar. Metatron sá um viðgerðina og kom og lagfærði okkur að kostnaðarlausu vegna fyrri mistaka.

Ráðning sumarstarfsmanna og niðurröðun sumarmarkta er í vinnslu. Það er mikið þúsl vegna manneklu, vantar ennþá starfsfólk. Sú vinna var komin fyrir vindinn þegar einn umsækjandi dró umsókn sína til baka vegna heilsufarsástæðna.

Fyrirliggjandi í maí

- Viðgerð þakkants, vonandi getum við tekið þakkantinn upp og einangrað aftur með tjörupappa til að komast fyrir leka undanfarinna ára. Á sjö stöðum eru ljótar rakaskemmdir og ætti viðgerð að komast fyrir þær. Verktaki sem ég hef verið í sambandi við annað slagið frá áramótum hefur enn ekki séð sér fært að koma en vill meina að styttest í að hann komist.
- Opnun tjaldstæðis:
  - Opnun aðstöðu í anddyri félagsheimilis, þar sem gestir geta sest inn og borðað
  - Bera á áburð og grasfræ á gras.
  - Athuga með runna, klippa og snyrta
  - Athuga með runnan fyrir innan hús sem lifnar ekki svo vel, hvað á að gera við hann?
  - Fara yfir leiktæki
  - Opna þjónustuhús og ganga úr skugga um að lagni séu í lagi
  - Athuga grillmál – átti ekki að hlaða grill?
  - Bæta við rafmagnstenglum fyrir húsbíla og aftanívagna. Í fyrrasumar sló nokkrum sinnum út öllu rafmagni í húsi og á tjaldstæði vegna álags á kerfið.
- Halda hæfnisnámskeið starfsmanna sem samanstendur af
  - 12 tíma skyndihjálparnámskeiði
  - Laugarbjörgunarnámskeiði og
  - Sundprófi.
- Það verður í lok maí þegar sumarstarfsfólk er komið á staðinn.
- Klára sumarskipulag. Starfsmenn og vaktaniðurröðun.
- Halda gleðinni, jákvæðninni og hamingjunni í húsinu 😊

### Frá forstöðumanni Áhaldahúss – Sigurður Marínó Þorvaldsson

Áhaldahúsið hefur verið í ýmsum verkefnum í apríl t.d. þakkassanum á félagsheimilinu ásamt ýmsum öðrum verkefnum. Höfnin hefur verið frekar fyrirferða mikil í apríl því bátar hafa verið að róa á grásleppu og komu hér í land 184 tonn af grásleppu, 36 tonn af úthafsækju, 22 tonn af öðrum tegundum þannig að grásleppuveiði hefur verið töluvert betri en í fyrra. 700 tonn af áburði komu í land með 2 skipum sem er þó heldur minna en í fyrra.

Framundan í maí er að gera klárt fyrir sumarið ásamt að klára þakkassa á félagsheimili, strandveiðar eru hafnar en hefur veðrið verið aðeins að stríða okkur fyrstu dagana, svo er hér bátur frá Grímsey

Þorleifur EA 88 og er hann á þorsknetum veiði hefur verið mjög góð hjá Þorleifi og vonum við að veðrið fari að skána fyrir strandveiðiflotann. Eins er von á skipi með salti nú í byrjun mánaðarins.

### **Frá skrifstofustjóra – Salbjörg Engilbertsdóttir**

Mánuðurinn byrjaði á að ég kláraði að bóka fylgiskjöl og gerði upp virðisaukaskattinn sem skila átti þann 5. Apríl. Við fengum síðan heimsókn á mánudegi og þriðjudegi frá endurskoðandanum Kristjáni Jónassyni og Unu Aldísi Sigurðardóttur aðstoðarmanni hans. Þá er ekkert gefið eftir og unnið fram á kvöld við að koma öllu heim og saman. Þau voru að mestu komin með þau gögn sem þau þurftu til að geta hafið vinnu við ársreikninginn og við búin að færa lokafærslur sem þurfti. Fylgiskjalaskoðun og önnur endurskoðun fór einng fram. Þau fóru síðan seinnipart þriðjudagsins.

Íbúafundur var haldinn þennan þriðjudag þar sem skýrsla Thorp ehf. varðandi sveitarfélagið var kynnt og kom margt fram gagnlegt á fundinum.

Það sem eftir leið vikunnar og fram í þá næstu fór í að klára nokkar afstemmingar og senda til KPMG og einnig að ljúka öllum færslum fyrir Sorpsamlag Strandasýslu, en við seljum bókhaldsþjónustu til þeirra.

Ég skilaði inn þann 10. Apríl skýrslu v. húsaleigubóta í jan-mars sem er sent á 3ja mánaða fresti.

Ég kláraði að vinna umsóknareyðublað f. leigu á dreifnámshúsi og kom því á heimasíðuna og eins vann ég umsóknareyðublað f. vinnuskóla sem Íris sá um að dreifa. Fundur var haldinn með okkur Írisi, Andreu og Sigga 12. Apríl til að skipuleggja það nánar.

15. apríl héldum við loksins fund með fræðsluviði varðandi fjárhagsáætlun 2016, alltof seint en vonandi gengur það betur næst. Enn er þó eftir að funda með Atvinnusviði. 20. Apríl sat ég fund með sveitarstjórn varðandi framkvæmdir á árinu.

Ég gerði skurk í frekari innheimtu, fór yfir stöðuna og sendi síðan ítrekanir í byrjun maí. Ógreiddum fasteignagjöldum v. 2015 var skilað inn og ég skráði þær í okkar bókhald og gerði ítrekunarbref.

Ég gekk í SSSFS, sem eru samtök stjórnenda á stjórnarsýslu og fjármálasviðum sveitarfélaga eftir boð frá Þórdísi hjá Ísafjarðarbæ og er komin með boð á vorkund þann 20.-22. Maí n.k. á Akureyri, þar á að vera eitthvað djamm og fundur á laugardeginum. Er ekki alveg búin að ákveða hvort ég fer en þessi samtök eru örugglega gagnleg.

Um miðjan mánuð voru staðgreiðsluskil og skil á launatengdum gjöldum eins og venjulega og eitthvað var um afstemmingar og leiðréttingar á þeim.

Ég bókaði mars og byrjaði á apríl og fór í launavinnslu í lok mánaðar. Leysti eitthvað af í afgreiðslu og var í fríi 1 dag v. námskeiðs.

Varðandi félagsheimilið þá tók ég tiltektardag þar og taldi í skápunum, eins og ég geri árlega og pantaði inn glös, skeiðar, kökuspaða og fl. sem vantaði. Einnig pantaði ég 4 dýnur sem ég taldi að gott væri að eiga í húsinu.

Vikan eftir 25. apríl líður okkur ekki strax úr minn og þetta skelfilega sjóslys dró úr okkur allan mátt og takmarkaði starfsgetuna dagana á eftir. Launavinnslan leið þó hjá og ég náði að gleyma orlofsuppbótinni auðvitað. Ég fór svo á Sauðárkrók fyrsta dag maímánaðar til að klára ársreikninginn.

Framundan í maí er að klára ársreikninginn og leggja hann fyrir þann 17. Maí. Vinna í vinna allt upp fyrir komandi sumarleyfi. Koma áætlun inn í SFS kerfið, senda skýrslur og skjöl í allar áttir. Færa viðskiptin í Sparisjóðinn og vinna laun og bókhald að venju. Bara rólegheit ☺

### **Frá tómstundafulltrúa – Íris Ósk Ingadóttir**

*Hvað stóð upp úr í starfi tómstundafulltrúa Strandabyggðar í apríl?*

Heiðrún Helga Hjörleifsdóttir kynnti lokaverkefnið sitt fyrir BA gráðu í tómstunda- og félagsmálafræði við Háskóla Íslands. Lokaverkefni Heiðrúnar Helgu var að kynna sér starf tómstundafulltrúa Strandabyggðar og svara spurningunni hvert sé mikilvægi tómstundafulltrúa í litlum sveitarfélögum. Lokaverkefni Hugu Helgu verður hægt að lesa yfir á netinu í sumar. Skila inn nánari upplýsingar þegar að því kemur.

Aðalfundur Samfés (frjáls félagasamtök félagsmiðstöðva á Íslandi) var haldinn í Reykjanesbæ og á þeim fundi bauð tómstundafulltrúi sig fram í nefnd ungmennahúsa. Sú nefnd kemur að því að efla starf ungmennahúsa og heldur landsþing ungmennahúsa næsta vetur. Markmið tómstundafulltrúa verður að halda landsþingið á Hólmavík.

Að öðru leiti gekk tómstundastarf í Strandabyggð sinn vana gang í apríl fyrir utan veikindi starfsmanna sem tók smá toll á starfið. Unglingarnir í félagsmiðstöðinni Ozon skelltu sér á ball og börnin í Skólaskjóli kíktu í heimsókn á fiskmarkaðinn að skoða grásleppu svo eitthvað